


Alkitab Anggen Anak Alit

Petang Dase  
Tiban



Kasurat olih: Edward Hughes

Kaperagayang olih: Janie Forest  
Alastair Paterson

Ka tempa saking: Lyn Doerksen


Ka dwi aksarayang olih: Ni Luh Mastri Ayu Caerina;  
Pdt I Gusti Made Alit Purya

Kakaryanin olih: Bible for Children  
[www.M1914.org](http://www.M1914.org)

©2024 Bible for Children, Inc.

Perarem: Ida dane dados nerjemahang utawi nyalin carita puniki,  
nanging nenten dados ke adol.







Rikala Ida Sang Hyang Widi Wasa mebasang bangsa Israele uli Mesir, dane Musa ngajakin makejang bangsa Israele makidung mamuji-muji ngeluhihang Parab Ida Sang Hyang Widi. Dane ngardi kakidungan buat memuji Ida Sang Hyang Widi. "Tiang lakar

makidung buat Ida Sang Hyang Widi, sawireh Ida maduwe kaluhuran lan kaagungan." Dane Musa makidung buat ngeluwihang Ida, sawireh Ida Sang Hyang Widi sube maicang pitulungan buat bangsa Israele.

Swastiaastu!  
Astungkare!





Sesubane telung wai di tegal malakane bangsa Israel ane sube bedak pesan ento napetang ada telaga. Sakewala ia tusing nyidang ngingum yeh telagane ento, sawireh yeh telaga ne rasane pahit. Ia tusing ja ngastawa nunas ica ring Ida Sang Hyang Widi, anake ento malah uyut pada

ngrengkeng. Ida Sang Hyang Widi Wasa olas asih pesan. Ida ngubah yeh ane pait ento dadiange yeh inum.





“Miribang anak-anake ento mula ngelas sifat demen ngrengkeng. “Tiang ngelah dedaaran di Mesir, sakewala di tegal malakane ene, tiang makejang lakar mati ulian basang tiange seduk.” Makejang ia pada ngeling. Di dina petenge ento, Ida Sang Hyang Widi ngemang ia kedis puuh. Gampang pesan ia ngejuk kedis puuhe ento.




Di dina semengane Ida  
Sang Hyang Widi  
maicayang manna.  
Manna ento cara roti,  
asane cara rasa madu.  
Sebilang semengan


mannane ento  
mesambragan di tanahe,  
kuang munduhang lan  
nyemak dogen. Buka  
keto carane Ida Sang  
Hyang Widi ngicen  
kaulan Idane dedaaran  
di tegal malakane.



Ia makejang percaya ring Ida Sang Hyang Widi ane lakar setata mapica dedaaran sabilang wai. Sakewala ada makudang-kudang anak ane loba. Ia munduhang tur nyimpen manna liu pesan, yadiastu Ida Sang Hyang Widi suba ngorahin mannane ento lakar berek yen kesimpen apeteng dogen.




Suba pasti, manna ane suba ibian lakar berek bek misi uled  
belatung – sajabanin di dina redite. Di dina ane kaping pitu nah  
ento dina perarian, tusing dadi ade anak megae, ia lakar naar  
manna ane ibi.





Ida Sang Hyang  
Widi miara bangsa  
Israele di tegal  
malakane. Ida setata  
mapica dedaaran lan yeh  
inum. Tur ngiangin ipun  
uli musuh-musuhne.


Rikala bangsa  
Amalek nyerbu,  
bangsa Israel  
menang perang  
sabilang dane  
Musa ngisi  
tungked apange  
tetep majujuk.





Ida Sang Hyang widi ngandika ring bangsa Israele, "Yening kita nyak ngidepang prentah Ulune, kita lakar dadiang Ulun kaula seselikan Ulunne." "Makejang pangandikan Ida Sang Hyang Widi lakar laksanayang titiang," makejang ia komong keto ring dane Musa. Ia mekisid ke bongkol gunung Sinai sambilange ngantosang dane Musa ane sedeng menek ke gununge, buat tangkil ring Ida Sang Hyang Widi.





Dane Musa sareng ring Ida Sang Hyang Widi ada di gunung Sinai, petang dasa lemeng mekelone. Ida Sang Hyang Widi nyuratang dasa titah Idane di duang papan batune. Ida Masabda ring dane Musa buat micayang pituduh kenken patut nyane bangsa Israele meparisolah.



1. "De ja ade  
widi ane lenan  
sesembahan kitane  
sejabanin Ulun."

2. "Ede ja kita ngae  
tur mebakti teken  
arcane."

3. "Eda ja kita ngawag  
-ngawag nyambat tur  
ngenistayang parab  
Widine."

4. "Ingetang ja dina  
sabate, tur luwihang ja  
dinane ento."

5. "Tresna bakti ja kita  
teken bapa muah  
memen kitane."



6. "De ja kita  
ngetiang jlema."


7. "De Ja kita  
memitra."

8. "De ja kita  
memaling."

9. "De ja kita dadi  
saksi bobab."


10. "De ja kita  
ngedotang gelah  
sesamen kita ne."





Rikala dane Musa sedekan  
ada di muncuk gunung  
Sinae kasarengin antuk Ida  
Sang Hyang Widi, bangsa  
Israele ngelaksanayang  
pengelaksana dursila. Ia  
mapengidih ring dane Harun  
apange dane ngaenang ia  
arca lembu emas – lan ia  
lakar nyumbang arcane ento  
buat nyilurin linggih Ida  
Sang Hyang Widi.





Rikala dane Musa  
nyingakin arca lembu  
emas, tur bangsa  
Israele pada ngigel,  
dane lantas mantigan  
papan batune ke  
tanah. Dane Musa  
ane sedeng memedih  
ento nguugan arca  
emase ento. Dane  
ngematiang anake  
ane jaat ane maktinin  
arcane ento.



Ida Sang Hyang Widi ngentosin  
maka dadue papan batune ento.  
Ida nitahan dane Musa apange dane  
ngewangun Tabernakel – tenda ane  
gede ane misi pagehan di ilehan  
sisine – genah Ida Sang Hyang Widi  
sesarengan kaulan Idane. Di tongose  
ento ia mabakti ring Ida Sang Hyang  
Widi. Tiang ambun lan tiang  
api dadi cihna Ida Sang  
Hyang widi  
nyarenging  
ipun.






Rikala ia sube paek di Kanaan, dane ngutus roras utusan dadi mata-mata buat nyelehin tanah ane kejanjang oleh Ida Sang Hyang Widi Wasa ring kaulan Idane. Tiang ambun lan tiang api makacihna Ida Sang Hyang Widi nyarengin ipun. Sakewala buah ada ajak dadua dogen, dane Yosua lan Kaleb percaya lakar nyidang ngalahang tanah perjanjiane ento uli krana pitulungan Ida Sang Hyang Widi.




Dasa mata-mata ane lenan  
merasa takut uli krana kota ne  
ento kuat lan manusa raksasa  
ada ditu. "Iraga tusing lakar  
nyidang ngerampas  
tanahe ento."  
Ia ngrimik.


Ia makejang  
engsap teken  
paundukan-paundukan ageng  
pakardin Ida Sang Hyang dugase  
Ida mebasang ipun uli Mesir.



Anak-anak ane ngidepang munyin mata-mata ane ajake dasa ento, ia pada ngeling tur siap-siap melipetang ke Mesir. Ia masi dot ngematiang dane Musa.



Ida Sang Hyang Widi ngerahayuang idup dane Musa. Raris Ida ngandika ring kaulan Idane, "Petang dasa tiban mekelone kita lakar mejalan di tegal melakane. Tuah dane Kaleb, Yosua lan pianak-pianak dane lakar nengil di tongos ane remehan kita."



## Petang Dase Tiban

Wenten katuturan carita saking pengandika Ida sang Hyang  
widi mewasta Alkitab,


dados sobyahang ring

Pararudan 15- Cacah Jiwa 14


"Pemargin saking pengandika Ida Ngicenin Karahayuan."

Mazmur 119:130





12



60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadma sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

